

北京大學日刊

第八十八號
除星期日外
每日出版
附張兩張

編輯部
經理部
報資及
告白費

北京後門內景山東街(馬神廟)北京大學內
電話東局一千零七十二號

每份銅元兩枚每月本京三角外省四角五分郵票不收
廣告用四號字七日以內每字八厘一月以內五厘長期面
訂五十元起算封面中縫加倍

籌備北京大學消費公社委員會公告

本社定於三月三日(即星期日)上午九時在文科第一教室開社員大會議決章程選舉職員除專函奉聞外特此公告

本校廣告

青年會柴約翰君定於三月三日午後四時來本校講演題目為今日中國之大學生講所為法科大講堂屆時有徐寶謙君翻譯本校同人無論通英語與否均可就聽此告

學術講演會啟事

本會於三月三日(星期日)仍在下列各處講演列表如左幸聽講諸君注意

講演科目	講演者	地點	日期	時間	講演次數
現代心理學	陳大齊	西城手帕胡同教 育部會場	三月三日	上午九時至十一時	第二次
社會與教育	陶履恭	琉璃廠北京高等 師範	三月三日	上午九時至十一時	第二次
燃料	王星拱	東安門北河沿北 京大學法科	三月三日	上午九時至十一時	第二次

中西印書館廣告

近世科學大創日新月異若非有印書局為之流佈則深居簡出之士不免墨守古法不能競逐於二十世紀之戰場故有心之人莫不以設立印書局為唯一之急務蓋既可聯絡感情復可介紹學問此同人等所以組織印書局之本意也今已成立定名曰中西印書館開設於騎河樓姐房內工人皆係津滬老手諸先生如欲刊印各種書籍雜誌簡章傳單等件無不格外克己且敝館為推廣行業起見若在五拾元以上有人為之確實擔保則可緩付一月如有願向敝館刊印者請駕臨敝館接洽可也

校長啟事

教職員及學生諸君公鑒本校現擬徵集全國近世討論除將簡章登載日刊敬請諸君帶同搜集材料外所有內地各處報館學會及雜誌社等亦祈各就所知將其名目地址函交法科劉復君以便郵寄簡章請其登載此頌公綏(簡章見一月一日紀事欄內)

蔡元培敬白

本日刊經理部啟事

- (一)自三月一日起凡自取日刊諸君請每日至正門號房領取可也謹告
- (二)關於分送本校各機關之日刊曾經雜務課開來一單囑按單分送以後敝部即照單辦理若有遺漏請逕向雜務課接洽謹告
- (三)本日刊現委託號房零售日刊此後諸君願零買者請至號房購買至欲訂長期則請至敝部接洽謹告

本校布告

校長布告

頃學長會議議決暑假後全校各種講義一律停發

本校評議會通告

本校評議會會員諸君公鑒啓者本校定於三月二日(星期六)午後三時開

評議會於校長室屆期敬請蒞會此訂並頌公綏

北京大學評議會啟

文科布告

文科教員注意

文科教員諸君公鑒本校廢止講義已有定議前承諸君覆函亦多贊同且約以暑假後為實行期至為佩荷惟學生所需參攷及教科用書不可不預為準備其外

國文方面或採用原書或選錄付印希各教授會早日議定辦法交由主任諸君商同做處着手進行其漢文方面諸君所編成之全書或一部分希速寫一定本(寫費希由諸君自理寫法直行橫行均聽自便句讀用中式西式均可)於五月一號以前交由敝處送本校編譯會審定出版發賣以爲學生教科及參攷之用無論西文中文凡應得之版權費概爲著作家所有惟種類繁多或購或印頗費時日務希早日進行以免臨時倉卒莫由應用爲禱專此敬頌教安弟陳獨秀白

理科布告

理科教員注意

前經校長學長議決暑假後全校各種講義無論如何情形一律停發下學年應用何種教科書急需籌備乞於本學期停課以前一律與教授會商定由各主任彙交弟處以便春假期內即可寫信往外洋定購每種應購若干本亦乞注明至禱至禱

法科學長告白

夏元璪

預科三年級法文班及一年級英文甲乙丙備取生合班教員劉農伯先生請假自三月一日起請陳守真先生代授此白

工科布告

(一)工科教員注意

敬啟者日前學長會議議決暑假後全校各種講義一律停發送登本校日刊諒荷 垂察所有下學年執事担任之功課如必須用教科書或參攷書時希速 選定於三月十五日以前開列明單交本科學長預購以備應用是荷端此奉達即頌教安

工科教務處謹啟 二月二十七日

(二)貝季美先生定於本星期五(即明日)十半至十一半及下星期一十半至十一半補授三年級房屋構造學各一小時

(三)鮑幼齋先生自下星期起補授三年級探礦四小時其時間則定於星期五八半至九半及星期六九半至十半至二星期又每星期六八半至九半補授二年級探礦一小時至三星期止

圖書館主任告白

(一)前據化學講演會全體會員函稱化學書籍太少而借出者又久不歸還以

致學者無由研究擬請將借書規則酌加修改凡一種書籍無兩帙以上者不論教員職員學生概不借出等語所陳甚是除一面查照各國大學圖書館章釐定一完善章程請校長核准定期施行外希望參閱化學書籍者盡所可能在閱覽室閱覽其餘借出各書仍乞按期限歸還以免多數向隅此白

(二)迭據學生諸君函稱國史館及各科研究所由本館借書甚多且無期限殊有滯礙等情查本館與國史館及各研究所雖爲分立機關而於書籍之享用究當謀一聯絡之方法俟與國史館及各研究所商定一互相借書之規則次第施行總期使各處圖書可以循環轉置流通閱覽俾收最大最普之效用以利研究而惠學子此白

(三)查本館舊章無關於寄存圖書之規定現在頗有願將私有圖書寄存本館俾衆閱覽者因擬定簡章數條業經校長核准即日施行倘有欲寄存圖書於本館者本館甚爲歡迎一切照寄存圖書簡章辦理此白

文科英文門研究所啟事

本研究所胡適之先生所授高等修詞學

改在星期四(即三月七日)午後三點半至四點半特此通告 二月二十八日

哲學研究所啟事

馬夷初先生二程學說原定爲每月一三星期二茲改爲星期四二時半至三時半陳伯弢先生之儒家玄學仍以每月第三星期六日爲會期餘均同前此啟

本校河南同鄉學會啟事

河南同鄉公鑒敬啟者頃因本校二十週紀念冊編製在即本會擬攝一影刊入以誌紀念茲特定於三月三號(星期日)上午九鐘假本校文科第一教室開會照像凡我同學同鄉諸公屆時務各攜帶會費銅元二十枚鑒元 駕臨爲盼特此奉聞即頌公安

北京大學河南同鄉學會公啟

本校事紀

理科大學月刊本月開辦

本校理科之大學月刊已定本月一日開辦刻正組織經理部其暫行簡章如後
一理科大學月刊經理部設事務員一人書記若干人經理月刊事務
二經理部事務員及書記暫以理科教務

中華新報館寄售書院

章太炎章氏

先生學術文章影印

先生著作

前年秋開先

己

己

處事務員及書記兼充不另支薪

三事務員承理科學長之命經理一切事務

四書記職務暫行分任如下

往來函牘 徵集文稿 收稿 付印

抄寫 校對 編列次序 備用稿紙

接洽印刷 裝訂各事

五印刷帳目由庶務處管理

六發售事務由圖書館管理

▲歡迎寄存圖書

本校圖書館為擴充藏書起見已定有寄存圖書簡章茲將該簡章登布於後

圖書館寄存圖書簡章

- (一)凡有欲寄存圖書於本館以供職教員學生或公眾閱覽者本館甚為歡迎對於該圖書與本館藏書一例保管
- (二)寄存期間須在三個月以上三個月後得隨時取還但須預先通知以便檢齊交付
- (三)寄存圖書者須備一詳細之目錄本館照目錄點齊後付以收條將來取書即以此收條為證
- (四)寄存圖書須蓋有定式之章記
- (五)寄存圖書中如有貴重物品須特別保管者宜預先聲明並指定如何保管之方法本館當酌量情形照所擬方法

辦理

(六)寄存圖書者應將各書實價列入目錄本館若因過失有所散佚當按價償補惟遇有不可抗力時不在此限

(七)寄存書籍但得在閱覽室閱覽概不出借

▲增設化學實驗室

本校現擬增設化學實驗室為化學研究所之用已致文教育部請酌予臨時經費二萬元以便舉辦茲錄呈文於後

呈為請撥臨時用款以便添設化學研究所中實驗室事據本校理科俞教授同奎函稱理科之研究實驗為主有實驗而後研究之問題可解決研究之問題有解決之希望則研究方有興味以化學論學理中可研究之問題固多而切於日用事物可供吾人研究者亦不少此種研究既可引起學者之興趣又可供應社會之需求日常觀觸所及常欲令各研究員研究者數事一如歐洲軍興世界各國仰給於德之鉀鹽久缺另覓鉀鹽來源幾成學者研究之憾新近美洲學者考得每噸蕉幹內含炭酸鉀至二十七磅之多每噸蕉幹價僅美金六七元而所得炭酸鉀照時價可值美金二十五元我國北數省種植玉麥頗多秋後割除殘幹山積然其灰含有鉀

鹽固無疑義設能攷其成分精其提煉之法貢獻於社會必受歡迎又如歐洲近頗研究植物內之色素有取之於茄皮者有取之於稻梗者雖是否有實用之價值尚未可知而由科學上之眼光觀察之亦成

一有趣之發明本京槐花多而無用中有黃色顏料盡人所知倘能研求提煉之法使成適用之狀或較茄皮稻梗之色素更為重要是亦研求廢物利用之一道近人研究大麻子之外壳含有一種菌胞能分解油類可代製胰所用之鹼近京鄉間遍產此物繼續研究亦吾人應盡之職凡此僅舉數端而已類此問題不勝枚舉此外如陳教授世璋所提議之中國藥材分析巴台爾教授所提議中國松節油等之研究此時皆有志未逮則以無設備較完善之研究實驗室之故而籌備此事實不可緩明知吾校經費支絀一時或未暇及此惟此種實驗室重在分析一部似亦非絕對不能辦到擬請本校設法籌備以便從事研究等語查該教授所陳各節均係關於化學上必要之研究籌辦實不宜緩第籌辦是項實驗室約計需洋二萬元左右本校現時經費臨時一門每年預算祇列六萬九千元樽節開支僅能敷用實無餘力及此擬請鈞部酌予撥給特別臨時費二萬元以便舉辦實為公便謹呈教育總長

▲書法研究社第一次講演會紀事

書法研究社於二十五日(星期一)晚七時開第一次講演會到會者約百餘人少時馬叔平劉季平二先生蒞會沈尹默先生因故未到將所抄書法拾遺交由社員公閱首由執事楊廷生君宣布開會略謂本社今日開第一次講演會按本社於去年十二月間曾開成立大會一次嗣後間隔甚久同由鄙人等任事因循亦緣組織繁難一則社員多還鄉里無由招集二則碑帖尚未備置三則地址亦未覓定現社員已相繼到校碑帖亦由校長轉託馬先生代購而地址亦經圖書館李先生指定組織既已就緒故由鄙人等商請馬先生沈先生今日演講此後即請社員諸君從事練習以資進行等語遂請劉季平先生演講篆隸之沿革繼請馬叔平先生講隸書之源流及變遷講畢末由執事薛祥綏君報告社務進行略謂今日講演會蒙馬劉二先生熱心演講二先生於書法素有研究自必抒其心得啓導吾輩諸社員自明日日起臨習書法由執事送交教員評閱並請社員捐贈或寄存碑帖以備參攷鄙人等才既謏陋任事亦鮮經驗誠恐有所隕越定於春假時開特別大會一次審定會章改舉執事俾鄙人等卸責是所至盼散會時已九鐘餘矣 (未完)

文藝一

書吾我篇後 (續)

理科數學門毛準

吾我二字之爲本身人稱尋亦屬依聲託事。(說文。吾。我。自稱也。我。施。身。自謂也。皆非本義。吾。從口五聲。我。從戈丰(古文垂)聲。或說吾蓋語之古文。我蓋兵器之名。頗爲近理。義字乃从我聲。許以爲从我會意。亦失之。)與爾汝二字之爲人稱尋者同。古語若言若叩若吾若我。皆一聲之轉。爲異時或異地之殊言。其語根則同。其意亦相同。皆用段借字者。其理亦與若乃戎而爾汝諸語之皆用段借字。相同。正因其無特殊之義。故不爲特製一字。若女人自稱之。則爲之特制一字矣。今必謂古人用吾我二字有異。試於明證之外。更稱一說。以明其不確。孔子以前。詩書所載。大都用我。無有用吾者。則其後用吾之處。皆不得不用我矣。是我字可用於諸數及諸格之證也。我字已可用於諸數及諸格。同時予(余同)字亦可用於諸數及諸格。又或用言印焉。或用台朕焉。是古人本身人稱之未嘗有定辭也。孔子之時。若「我」音尚未

廢棄也。則其用亦必不受限制。而仍可用於諸數及諸格(言詞所含之意。有加添而無減少)無疑。予(余同)我並行。則其時本身人稱之無定詞亦無疑。今必謂古人用吾我二字有異。究嫌無甚理由也。蓋吾之可用於主事格及領物格明矣。其不用於受事格。(如上文所說者)亦非有規定之律也。乃順乎氣勢之自然耳。因氣勢而生差異。與語律無關。故吾以爲古人之用吾我二字無有區別也。(完)

味蔗書屋剖記 (續)

文科哲學門康白情

讀緯

陰陽之說。曰昌五行之用益廣遠。夫漢季幾以之支配萬有。今就其時之所出者。雜集所見。作五行配當表。縱行以示類從。橫行則示屬性也。

五行	木	火	金	水	土
五方	東	南	西	北	中央
五時	春	夏	秋	冬	季夏
五星	歲星	熒惑星	白星	辰星	鎮星
五色	青	赤	白	黑	黃
五聲	角	徵	商	羽	宮
五微	煥	暘	寒	雨	風
五氣	風	熱	燥	寒	濕
五臭	羶	焦	腥	朽	香
五味	酸	苦	辛	鹹	甘

五臟	肝	心	肺	腎	脾
五精	魂	氣	魄	精	意
五事	視	言	聽	貌	思
五德	明	從	聰	恭	容
五常	仁	禮	義	智	信
五數	八	九	七	六	五
五蟲	鱗	羽	毛	介	倮
五嶽	泰	衡	華	恆	嵩
五天帝	青帝	赤帝	白帝	黑帝	黃帝
五人帝	大皞	炎帝	少昊	顓頊	黃帝
五官神	芒	勾	融	收	冥
五祀	戶	竈	門	行	中霤

亞拉伯人民寫真記 (續)

美國惠亭原著

工科譚伯英譯

(十一)嬰兒之抱法

猶典(Judean)(耶路撒冷之南)山谷居民。置幼兒於搖籃中。工作時則若日本法。負於背後。以粗繩一端。捆其周身。一端圈繞母頸。往往工作時久。不知背負其兒。聞啼哭聲。方有知覺。商賈婦女。鮮知人道主義。每早上市。將兒縛於市場門上。已見坐貨攤後。交易若無其事。農婦則懸其子於三足架下。上覆衣數件。以遮日光。近賽馬雷地方。恆見女子。以首負兒。總之抱法

法雖不一致。而嬰兒受罪則一也。

嬰兒不翼而飛(真實故事)

某婦人(蘇羅門妻)之婢女後裔也。一日起身稍遲。急負嬰兒之搖籃於首上。從事工作。行至中途。忽聞特托一聲。覺其子不翼而飛。於是懷然狂叫曰。我兒爲神擄去。諸君速救吾赤子。望急追之。聞者不詢原因。各分道尋求。奔馳良久。不知其所以然。亦不知所追何人。遂回問故婦人。猶喊叫不已。後某甲徐取其搖籃。探視。豈知其兒尚熟睡其中。諸人不禁絕倒。其他尋求者。回報成績曰。卿之仇敵業已就獲。但其所擄者。係府上家貓。與令郎同睡於搖籃中者也。婦問曰。囚犯何在。追者恍然。

(十二)女子之裝飾

女子服飾各地不同。故觀其衣。即知爲何許人也。處女與婦人之異。觀其頭巾立可辨明。衣服長大。每用土布。袖筒上狹下寬。頗似日婦衣。前後無縫。身腰上部稍大。並用白竹布或絲巾。腰帶將衣提上。多許以顯有寬大胸。腰也。胸佩銀牌。甚多。應酬時盡其所有。而帶之以示豪貴。衣多深綠及紅色。微配粉紅。婚喪喜事。則周身全白。靴履大都紅色。係駱駝或羊皮。爲之牛皮。爲底。多未加製作者。(未完)

本期刊經理部啓事

以上者既行送登半

稿外無論著者或譯

本期刊

簡章

九不犯下列

稿外無論著者或譯

PEKIN-UNIVERSITATO

Chiutaga Gazeto

北京大學日刊第二張

Red. & Adm.:
„Pekin-Universitato,”

The Government University,

Peking, China.

Prezo:

1 numere 2 ¢

1 monate {loke 30 ¢
 {aliloke 45 ¢

P.m. ne akceptata.

文 藝 二

廢娼問題之中心人物 (續)

(進德會譯著)

日本油谷治郎七著〔本年一月大學評論〕

周作人譯

五德國 德國改爲新教國以後對於男女節操仍立一夫一婦之制惟路德性格與凱爾賓之如秋霜烈日者稍不同故路德教會及加特力教會地方男女間嚴肅之風氣頗不如曾受凱爾賓派感化之地又其國性以軍國主義爲基礎社會間有武人風女權不張故慢狎女子實爲罪惡之念頗薄至於近時富力劇增此風亦益甚在柏林民新眉因之弗蘭孚德等處殆有甚於法國緣社會的經濟的諸理由遂至公認公娼採用集娼制度大都如柏林者稍例外其他處凡人口一二萬之都會街尾每有妓寮二三家德之學者中至有以公娼爲可防花柳病之傳染者官憲亦發見私娼輒行強制檢獲給以營業札其國中女子權利的自覺發達既遲宗教上又少嚴正之貞操觀念加以物質思想深入人心及富力加增工業興盛借來之影響等交互錯綜從嚴格言之則謂爲廓清運動之發生尙非其時亦無不可也然亦有公娼廢止同盟在爲衛生家醫學家社會改良家等所集合熱心之宗教家亦助之別有勃來式勞大學博士納賽氏伯林大學醫科教授列賽氏及伯林醫士勃拉息珂氏等由風紀道德及國民衛生上深慮花柳病之害因組織花柳病撲滅會公刊小書發表學術上研究之結果又以蠟製花柳病患者模型就各地開會展覽俾青年男子生恐怖之感有自愛之心自遠於不潔之事此納賽博士爲激烈之公娼廢止論者勃拉息珂氏亦素主娼妓管理制度之改良者也又有柏林大學女子第一次卒業生斯退克爾以月刊雜誌

新時代者論此問題並力圖女子權利擴張及賤業女子之救濟又在大都會中亦經營種種社會事業以爲未婚女子保護教化之用焉 (未完)

雜 錄

墨子之經濟思想 (續)

日本小島祐馬著(東京帝國大學雜誌)

法科經濟門王少右譯

二 或謂兼愛之社會在理想則得矣而今日則頗難實行墨子答之曰「天下之士君子特不識其利辯其故也今夫攻城野戰殺身爲名此天下百姓之所皆難也苟君悅之則士衆能爲之況于兼相愛交相利則與此異夫愛人者人必從而愛之利人者人必從而利之惡人者人必從而惡之害人者人必從而害之此何難之有特上弗以爲政士不以爲行故也」(兼愛篇中)而墨子引古禹湯文武之政治皆爲施行兼愛之實例苟有實行之意志則無事而不可爲墨子更舉最淺之例與反對論者以一聲曰「然即敢問今有平原廣野於此被甲嬰冑將往戰死生之權未可識也又有君大夫之遠使於巴越齊荆往來及否未可識也然即敢問不識擇之家室將惡從也奉承親戚提挈妻子而寄託之不識於兼之有是乎於別之有是乎我以為當其於此也天下無愚夫愚婦雖非兼之人必寄託之於兼之有是也然即敢問今歲有癘疫萬民多有勤苦凍餒轉死溝壑中者既已衆矣不識將擇之二君者將何從也我以為當其於此也天下無愚夫愚婦雖非兼者必從兼君之有是也(兼愛篇下)由是觀之世之反對兼愛者是未真知兼愛之利益者也

以上所述僅闡明兼愛在人類社會有利益而墨子主張兼愛之根據尙不止此其根據爲何即宗教思想是也墨子最信天以天爲宇宙之統率者此天常監視人類之行動對之降賞罰禍福所謂人格的之神也此天之外彼猶

信有多數之鬼此與此篇無甚關係故省略說明而墨子攷此天之特性曰「天之行廣而無私其施厚而不息其明久而不衰」〔法儀篇〕而此公平無私萬物一體之天對於吾人人類果要求如何之事乎曰亦欲公平無私利愛萬物而已矣其言曰「天何欲何惡者也天必欲人之相愛相利而不欲人之相惡相賊也奚以知天之欲人之相愛相利而不欲人之相惡相賊也以其兼而愛之兼而利之也奚以知天之兼而愛之兼而利之也以其兼而有之兼而食之也」〔法儀篇〕是即明言兼愛之本於天意者也此思想在天志篇中特反覆詳述之（未完）

科學鱗爪 文科哲學門吳康

科學淺說

科學者統凡所觀察諸事實之全體之總名詞也此所觀察之諸事實彼此皆有相與之關係而次第系屬於諸通律之下焉例如吾人讀物理學開卷即可見其具無數觀察事物之總匯或示吾人以所應觀察之實驗而是等總匯與實驗各自類聚而屬於一總綱之下（如機械學熱學電學等）且藉以說明各種廣大之通律焉（如奈端運動律苛奇霍甫之光律歐姆電流強度律等）凡科學之書無論其為物理學化學生物學心理學言語學經濟學其為體類蓋莫不如是也

細胞體說〔譯生學初稿〕

微小之動植物不能以肉眼察視而必藉助於顯微鏡始能發見者蓋甚多也其中有極單簡僅為一細胞體所成而生活者其他則雖至微小難見而亦不害其為多數細胞體之組織焉單純生命與複雜形體之別即在細胞體之結合及其對於特別生活之應用在通例雖較小有機物體之結構較加大者為更單簡然此亦非評判結構複雜可恃之良法焉

細胞體為有機體結構之單位 有機體結構之單位名曰細胞體 Cell 細胞體為物質最小之微粒能獨自生存其於有機物體也有如一塊紅磚為廣廈建築之單位質言之細胞體乃大小動植物複雜建築之單位也故無細胞體而欲建築動植物之軀體是為不可能之事是以細胞體常變其大小與結構以應各種之需要故無有同一大小及結構之細胞體可適用於有機體結構之各部分者蓋其於一特別之器官必有其特具之模形以應其結構以司其特別之作用焉相似諸細胞體之集合名曰組織 Tissues 其所作為之生活名曰功用 Function

細胞體之大小 最小之細胞體小於一英寸之二萬五千分之一聚此類細胞體數百個僅能當英字母 i 之一點然在他方則其最大者至有二英寸又二分之一或更修之直徑比於駝鳥之卵此皆其大小體量之極端者也至其平均之量則在二者之間約當一英寸九百分之一焉

細胞體之形狀 細胞體有僅為一物質之小塊者名曰原形質 Protoplasm 原形質可不絕變其形體蓋此類細胞體（無細胞體壁者）無一定之形狀其他種模形之細胞體則有一定之形狀吾人如用顯微鏡窺之則能明言彼等結構之種類焉繼此之說明可與吾人以各種形狀之觀念此各種之形狀可發見於各生物之中者也其形狀有為球形者有為扁平者有延長者有長而為絲狀者（未完）

集會一覽表

三月初一日——三月七日

注意 如有錯誤遺漏請通知本日刊編輯部

會期	時間	召集者	會所	摘要
三月一日		理科研究所	研究所	巴台爾先生演講橡膠之製法
三月一日	下午七時至九時	理科化學演講會	本科第十大教室	譚君聲傳鈞之新來源
三月二日	下午八時	靜坐會	法科禮堂	蔣先生報告
三月二日	下午三時	評議會	校長室	開評議會
三月三日	上午九時半	消費公社	文科第一教室	開成立大會
三月三日	上午九時至十一時	學術講演會	教育部會場	大陳齊先生演講現代心理學
三月三日	上午九時至十一時	學術講演會	高等師範	陶履恭先生演講社會與教育
三月三日	上午九時至十一時	學術講演會	北京大學法科	王星拱先生演講燃料
三月三日	下午四時	青年會學藝部演說	法科大講堂	柴約翰先生演講今日中國之大學生
三月三日	上午九時	河南同鄉會	文科第一教室	開同鄉會照像
三月四日	下午三時半至四時半	哲學研究所	研究所	陶和先生演講社會哲學史
三月五日	下午三時半至四時半	哲學研究所	研究所	章行嚴先生演講邏輯學史
三月五日	下午二時半至三時半	哲學研究所	研究所	馬夷初先生演講二程學說
三月六日	下午三時至四時	國文研究所	研究所	朱遜先生演講文學史
三月六日	下午四時至五時	國文研究所	研究所	倫哲如先生講演詩
三月六日	下午三時半至四時半	哲學研究所	研究所	胡適之先生演講中國名學
三月七日	下午三時半至四時半	哲學研究所	研究所	劉筱珊先生演講老莊哲學
三月七日	下午一時至二時	國文研究所	研究所	馬夷初先生講演形體
三月七日	下午四時至五時	國文研究所	研究所	吳耀安先生講演曲